

冷

廬

雜

識

清陸以湜著

第五冊

進步書局校印

冷廬雜識卷七

清 桐鄉陸以湉敬安著

陳忠愍公

同安陳忠愍公化成。由行伍積軍功。官至提督。威望著一時。故例提鎮不得官本鄉。上以非公莫能膺海疆重任。破格授廈門提督。道光庚子。倭夷擾浙東。命沿海嚴防。特移公江蘇。抵署甫六日。聞舟山失守。即帥師馳赴吳淞口。審度險要。列帳西礮臺側以居。三易寒暑。未嘗解衣安寢。優待士卒。犒之厚而自奉甚儉。或饋酒肉。必峻卻之。時有官兵都吸民膏髓。陳公但飲吳淞水之謠。每潮來。必登瞭望。戒軍士曰。平時宜休養。毋輒來報。如有警呼之不應。刑毋赦。嘗與制府牛某大閱。見近地兵多弱。而上江各營較強。牛曰。是可當前鋒乎。公曰。近者皆有家室慮。且服吾久。無離心。客兵恐難恃。及戰。果先遁。壬寅四月。乍浦失守。公益鼓勵軍士。以大義喻之。時他邑皆騷動。惟吳淞左右恃有公。安堵如故。五月。夷船大集。公登臺守禦。日夜不怠。初八日。自卯至巳。發礮千餘門。傷大夷船五。火輪船二。夷人勢欲卻。適牛制府攜兵出城。夷從檣頭望見。置礮於檣。擊之。牛急召守小沙背之徐州總兵王志元來。而王已遁去。牛

懼亦遁。眾兵隨去。皆竄。夷人復奮力攻擊。公孤立無助。猶手發礮數十次。身受重傷。礮折足。鎗穿胸。伏地噴血而死。年七十六。民間公死。皆大驚曰。長城壞矣。老幼男女。無不號泣奔走。夷酋入城。登鎮海樓酣飲。或作華語曰。此戰最危險。但有兩陳公安。能破耶。酋大笑。有武進士太湖劉國標。為公所賞識。隨行戎間。忍創負公屍。藏蘆叢中。閱十日。以告嘉定縣令。輦屍入城。殮於武帝廟。面如生。事聞。詔賜專祠。予騎都尉世職。淞江人哭公哀。作詩成帙。顏曰表忠崇義集。寶山王樹滋為作殉節始末記。余特撮其大畧。并錄詩之佳者於左云。一木難支大厦傾。將軍殉節萬民驚。丹心料有天垂鑒。白日愁看鬼橫行。公已成仁甘就死。士惟見義竟忘生。怒濤夜激蘆花岸。陰雨靈旗戰鼓聲。上海王樹滋首不能生擊賊丹心惟此死。酬君。上海陳肘常旁擊生餘憶。掌僅孤鳴死。竭忠。上海陳明施右師。邪洩驅車後。壯士勾卑在列時。上海陳事到艱難惟一死。身經保障已三年。上海曹樹杏。

陳學博詩

同里陳友梅學博錫績學能詩。晚歲以歲貢官青田訓導。蕭然一簞。吟哦自得。歿後遺稿散去。余從其孫邦柱處檢得數首存之。芝田云。百里芝田隸括蒼。一城斗大似

村鄉。龍鬚草細密成席。

龍鬚草生草如龍鬚。土人取織成席。名曰龍鬚席。

鵝卵石圓高築牆。

民間磚牆甚少。大率以石砌。

之曉雨探樵閨女慣。

邑之八外都有種氏聚族而居。不婚外姓。生女不纏足。自夜燈幼耕田。或采桑。嫁後入市交易。其夫守戶而已。謂之畚民。

課讀塾師忙。

師有兼夜課者。人家子弟或晝耕而夜就傳。

何當羣鶴重飛集。科目聊增藝苑光。

明永樂庚子。鶴大集。

一邑中式十六人。自後鶴至。必得科名。然亦寥寥。張貞女并序云。貞女。吾鎮張希賢女也。許字沈氏子。未幾沈卒。誓欲歸省。遂縞素以往。隻影茕茕。克修婦道。閱八載病

亡。其節可嘉。賦詩以俟采風者。未識夫君面。終身願託依。共牢惟木主。入室便麻

衣。八載冰霜潔。千秋節義稀。他年塚樹上。鴛鳥定雙飛。讀秦紀云。若教博浪斃秦皇。

定見扶蘇帝。萬方始識一椎非。倖脫天心正。欲速羸亡。

西湖長生祠

西湖長生祠。極多楹聯。佳者莫寶齋侍郎題諸城寶東臯總憲光耀長生位云。憐才

心事無雙。教澤深長。留學校。知己生平第一。師恩高厚。並君親。山陽李芝齡師宗昉。

題汪文端公長生位云。政並白蘇。遺澤遠。文成雅頌。繼聲難。杭郡紳士題師仙舟中。

丞長生位云。歸興託蓴鱸。一代文章留北闕。清芬接梅鶴。百年風教在西湖。

天一閣

甯波范氏天一閣藏書凡五萬三千餘卷。閣在月湖之西。宅之東。牆圍周迴。林木蒼翳。與閨闈相遠。明嘉靖中。堯卿少司馬欽歸田後。構以藏書。其異本得之豐氏熙坊者為多。書藏閣之上。通六間為一。而以書厨間之。其下仍分六間。取天一生水地六成之之義。司馬歿後。子孫各房。相約為例。凡閣厨鎖鑰。分房掌之。禁以書下閣梯。非各房子孫齊至。不開鎖。子孫無故開門入閣者。罰不與祭三次。私領親友入閣。及擅開厨者。罰不與祭一年。擅以書借出者。罰不與祭三年。典藥者。永擴。遂不與祭。乾隆間。詔建七閣。參用其式。且多寫其書入四庫。賜以圖書集成。嘉慶間。阮文達公巡撫浙江。命范氏後人編成目錄。並金石目錄刻之。自明嘉靖迄今三百餘年。遺籍常存。固由於遭遇之盛。抑亦其立法嚴密。克保世澤於弗替。宜名垂不朽。為海內藏書第一家也。

都門竹枝詞

都門竹枝詞。不知何人所作。語多鄙俚。其描摩逼真處。亦足令人解頤。時尚云。多多益善。是封條。拉扯官銜宋字描。遠代旁枝搜括盡。直將原任溯前朝。京官云。轎破簾幃馬破鞍。熬來白髮亦誠難。糞車當道從旁過。便是當朝一品官。候選云。昔年黃榜

姓名聯。此日居然掌選銓。堂上點名堂下應。教人不敢認同年。考試云。短袍長褂著。鑲鞋搖擺逢人便。問街扇絡不知何處去。昂頭猶去看招牌。教館云。一月三金笑口開。擇期啟館託人催。關書聘禮何曾見。自催驢車搬進來。觀劇云。坐時雙脚一齊盤。紅紙開來窄戲單。左右並肩人似玉。滿園不向戲臺看。

禁咒治病

禁咒治病。自古有之。往往文義不甚雅馴。而獲效甚奇。殆不可以理測。余內人之乳母顧嫗。其父曾習祝由科。傳有二咒甚驗。一治蜈蚣螫咒云。止見土地神知載靈。太上老君急急如律令勅。治法以右手按螫處。一氣念咒七遍。即揮手作撮去之狀。頃刻痛止。一治蛇纏咒云。天蛇蛇地蛇蛇。騰青地扁烏稍蛇。三十六蛇七十二蛇。蛇出蛇進。太上老君急急如律令勅。凡人影為蛇所咬。腰生赤瘰。痛癢延至心。則不可救。名蛇纏。亦名纏身龍。治法以右手持稻幹一枝。其長與腰圍同。向患處一氣念咒七遍。即揮臂置稻幹門檻上。刀斷為七。焚之。其患立愈。又治蜈蚣螫方。急以手向花枝下泥書田字。勿令人見。取其泥向螫處擦之。即愈。

馬從龍

明史載烈女谷氏餘姚史茂妻父以茂有文學贅之於家數日隣人宋思徵責於父見氏美遂指逋錢為聘物訟之官知縣馬從龍察其誣杖遣之及氏下階茂將扶以行氏故未嘗出閨閣見隸人林立而夫以身近己慙發赭推茂遠之從龍望見以氏意不屬茂也立改判歸思思即率眾擁輿中而去氏乘間縊死從龍聞之大驚捕思思已亡去因疑似之迹而使貞女含恨以死此由於辨之不精而發之太驟也聽訟者可不慎與

子衿非淫詩

子衿非淫詩蕭山沈補堂豫引晉書左貴嬪離思賦彼城闕之作詩兮亦以日而喻月謂如果褻狎之什豈有椒壁之寵而寫諸彤管者乎證據甚確

孫秦倡和詞

吳門孫月坡茂才麟趾家貧嗜學尤工填詞旅食金陵與江甯秦雪舫部曹耀曾交好倡和成編孫送雪舫之豫章詞云帆影搖雲潮聲咽雨客裏暗添離緒櫻桃門巷送春天恩教拋故園尊俎簾櫳日暮抱湘瑟拂絃愁誤倚危闌料今宵魂夢相隨柔艣長亭路幾個啼鵲幾簇無情樹看山此後共誰游嘆才人也如飛絮辭家最苦

道彈指歸與便賦。怕君歸。儂又扁舟遠去。西子秦亦有詞留別云。鶯慵燕倦春殘。還又扁舟催理。短短蘆芽。引著片帆千里。驛門不用栽楊柳。已是魂消流水。待新詞譜就。鴟鴞彈處。怕人垂淚。
滿江干。是恨南朝勝迹。怨碧愁紅無際。坐向蓬窗。多少舊情重記。渡頭一枕游仙夢。袖帶匡廬雲氣。把歸期再訂。黃梅熟後。揀花風裏。陌上二花作皆有情味。

房暉遠

隋高祖嘗謂群臣曰。自古天子有女樂乎。楊素以下莫知所出。遂言無女樂。房暉遠進曰。臣聞窈窕淑女。鐘鼓樂之。此即房中之樂。著於雅頌。不得言無。高祖大悅。暉遠此言。根據經術。又能導君以正。深得獻替之義。五經庫之譽。良不虛也。

劉後村

宋劉後村克莊。知建陽縣時。詠落梅云。東風謬掌花權柄。卻忌孤高不主張。言官李知孝梁成大。劾其謗訕。鄭清之力辨得釋。後賦訪梅詩云。菊得陶翁名愈重。蓮因周子品尤尊。後來遂判梅公案。斷自孤山迄後村。其自命高矣。惜晚年為賈似道一出。志節未堅。能無讓和靖獨有千古哉。

更迭交戰

李自成攻甯武。周遇吉悉力拒之。城圯復完者再。傷其四驍將。自成懼欲退。其將曰。我眾百倍於彼。但用十攻一番進。蔑不勝矣。自成從之。前隊死。後復繼。官軍力盡。城遂陷。按南宋張鬻守南劍州。禦寇分州兵為數隊。令多具飯。將戰則食第一隊人。既飽。遣之出城。便食第二隊人。度所遣兵力將困。即遣第三隊人往代。第四至五六隊亦如之。更迭交戰。士卒飽而力不乏。鬻之計深合古人之法。惜為自成所用也。

報喜

婁縣姚春木。上舍椿。晚學齋文集。謂吳節愍公不從難髮。自縊死。所遺家書。題曰報喜。徐璽丞無念。乙酉。闔門殉節。亦稱喜。終居士。蓋明士大夫固已盡忠為喜耳。苛論者未之知也。余謂苛論者。蓋以好名之積習深也。抑知其激發忠義。慷慨捐生。實足扶翼名教。愧天下後世之苟且圖存者。如是則好名正足貴耳。奚病焉。

嚴比玉藏書畫

嚴比玉太守。家藏書畫甚多。道光甲申春。曾與董石農山人。蔡同觀最佳者。如李龍眠真武像。趙承旨洗馬圖。戴文進夏木垂陰大幅。俱入神品。又文衡山雪景大幅。自

題詩云。雲埋嶺樹雪漫漫。天削芙蓉萬玉攢。小蹇不辭山路永。十分詩思屬吟鞍。李流芳山水自題云。每愛疏林平遠山。倪迂筆墨落人間。幽人近卜城南住。為寫東風水一灣。亦皆妙品。

唐冰溪先生

同里唐冰溪先生琦。熟精史漢。文品極高。乾隆庚辰鄉墨。樊遲請學稼一節。中比云。凡人有所學。當自識其為吾。知有不可不如者。而後知有可以不如者。人有所請。當識師之為吾。而知有舉世不如者。而後知有舉世皆如者。筆意清雋。非巨眼亦不能識也。生平有潔癖。每赴宴飲。必自攜杯箸以往。終席盥漱十數次。初得中正榜。引見後。以口噓氣。以手拂塵。上以為書獃子。後班遂撤不引見。人皆以此咎先生。登第後。歸部銓選。時年已五十。自以無濟世具。不之官。垂老猶以授徒為業。年七十五卒於分水書院。

沈姬傳方

單方之佳者。不必出自方書。往往有鄉曲相傳。以之治病。應手取效者。吳江沈姬服役余家。曾傳數方。試之皆效。備錄之。痔瘡。用皮硝煎湯。乘熱薰洗。此方治熱毒。

皆效。小兒雪口瘡。馬蘭頭汁擦之。眼癰。大盪幕布。以晚米糠置布。燃糠有汁滴。盪取抹患處。

吳烈女

永康吳教諭士騏之女宗愛。字絳雪。國色也。幼慧。十餘歲。父教令作詩。詩輒工。兼工繪事。嫁邑諸生徐明英。早寡。康熙十三年。耿精忠偽總兵徐尚朝陷處州。游兵至永康。邑人磨竄。尚朝令人宣言曰。以絳雪獻者。免眾議行之。以紓難勢。洵洵。絳雪念徒死貽桑梓憂。乃偽請行。至三十里坑。投崖死。年僅二十四。道光癸卯。桐城吳廷康為永康丞。慨絳雪死一百七十餘年。邑人無以文發之者。為刻其遺詩二卷。而屬海寧許農部楣為之傳。予述其畧如右。且摘詩句於左。秋夜偶成云。香緣漏永薰還冷。錦為愁多織未成。春曉寄二姊云。山含軟碧猶春雨。門掩濃陰半落花。春日有懷素聞云。疏風小圃宜鶯粟。細雨新疏採馬蘭。憶外云。貧家蔬筍憐佳節。驛路風波阻遠人。又寄外弟絕句云。貧賤驅人少勝籌。天台境好任淹留。尋仙不是韶年事。好遇桃花便轉頭。

歸宮詹

國初順天鄉試主考官用翰林同房官用部曹行人中書等官而直隸省實缺知縣及候選進士亦皆用之見常熟歸孝儀宮詹允肅康熙辛酉為順天主考官入闈誓辭前此士子競趨聲氣宮詹守正不阿一秉至公榜發下第者譁然肆詆冀興大獄時蔚州魏敏果公象樞以朝端重望步行隨一僕攜紅褐墊至宮詹邸第門外行四拜禮曰我為國家慶得人復賦詩以紀事謗者乃息其誓詞有云絕黃緣奔競之階務求實學杜浮薄張之習不採虛聲對閣公堂退無私語期諸同事各矢此心倘或為利營私徇情欺主明正國法幽伏冥誅甘受妻孥戮辱之慘必膺子孫絕滅之報潔誠具告神其鑒之

戴益生

嘉定戴益生孝廉增性情誠樸學問淹通乙未歲見於京師如舊相識遂與訂交丙申出都後不復相見戊戌得其來書云與閣下別久矣晴窗孤坐輒復相憶引領南望悄焉於懷去春得書知已啟行往楚及固翁謂舅氏固軒先生入都又接書並惠筆墨二種良朋厚愛銘戢良深屢欲作答實緣楚水燕山鱗鴻渺便相知不在形迹諒不責其

疏嬾也。客秋閣邸抄。知閣下改就教職。都中朋輩咸謂閣下失計。而增獨心悅誠服。其欽佩有莫可形容者。夫牧令之難。未有甚於此時者也。以視苜蓿一盤。詩書萬卷。尋古賢之樂。儲名山之業。其得失何如。有定識。有定力。閣下於此真不愧一定字。增春關四寫。故我依然。自知猿臂將軍。封侯無命。不過逐隊入試。盡其在我。不敢作上林棲一枝想也。教習已報滿。以教職用。聖恩高厚。適如私願。固翁說閣下已就館茗上。甚慰。固翁人品學問。實可師事。惜遠寓東城。不得昕夕過從耳。茲因固翁南旋之便。率泐布臆。臨穎馳溯。不盡觀縷。戴嘗有述懷詩句云。耽書枉自窮三昧。作客何堪過十年。讀之令人感喟無已。辛丑歲聞其以疾卒於家。年僅四十。命不副德。遇不副才。是可痛也。

刑名幕聯

汪龍莊大令。為刑名幕賓時。書聯座右云。苦心未必天終負。辣手須防人不堪。近有人贈刑名幕賓聯云。求其生不得。則無憾。勿以善之小而弗為。語亦警通。

知不足齋叢書

歙縣鮑萊飲先生廷博。寓居吾里之楊樹溪。好學博聞。尤喜蒐羅散佚。乾隆時開四

庫館獻書七百種。欽頒圖書集成。旋刻秘籍數百種。曰知不足齋叢書。進呈乙覽。宸翰賜題卷首。有知不足齋奚不足。渴於書籍是賢乎之句。睿皇帝復賜以舉人兩朝褒寵。可謂極稽古之榮矣。所刻叢書。校訂精審。風行海內。嘗謂與其私千萬卷於己。或子孫不為之守。孰若公一二冊於人。與弈禩共永其傳。今其孫曾輩以書為業。奇編寶笈。價重藝林。蓋猶食其報云。

府州縣同名

今天下幅員廣遠。府州縣同名者甚多。彙記於左。以備考。錢竹汀宮詹潛研堂集中辨名篇。尚有遺漏。茲所記者較詳。亦未必無舛誤處。俟再考正。

府同名

太平。

安徽廣西

州同名

通州。

直隸江蘇

開州。

直隸貴州

趙州。

直隸雲南

甯州。

甘肅雲南

永甯州。

山西貴州

廣西

縣同名

會同。

湖南靖州廣東瓊州府

海豐。

山東武定府廣東惠州府

瀘溪。

江西建昌府湖南辰州府

清溪。

四川雅州府貴州思州府

鳳臺。安徽鳳陽府

安仁。江西饒州府

桃源。江蘇淮安府

龍門。直隸宣化府

石門。浙江嘉興府

新安。河南河南府

興安。江西廣信府

永安。福建延平府

樂安。江西撫州府

甘泉。江蘇揚州府

石泉。陝西興安府

太和。安徽潁州府

清和。直隸廣平府

山陽。江蘇淮安府

海陽。山東登州府

東鄉。江西撫州府

甯鄉。湖南長沙府

新昌。浙江紹興府

廣昌。直隸易州府

建昌。直隸承德府

安平。直隸深州府

清平。山東東昌府

鎮平。河南南陽府

石城。江西甯都府

興甯。湖南郴州

咸甯。湖北武昌府

大甯。山西陞州府

廣甯。奉天錦州府

華亭。江蘇松江府

山陰。浙江紹興府

三水。陝西邠州府

甯遠。湖南永州府

永定。福建汀州府

安定。陝西延安府

宣化。直隸宣化府

昌化。浙江杭州府

德化。江西九江府

安福。江西吉安府

建德。浙江嚴州府

唐縣。直隸保定府

永福。福建福州府

安福。湖南澧州府

建德。安徽池州府

唐縣。河南南陽府

三縣同名。

東安。直隸順天府

龍泉。浙江處州府

西甯。直隸宣化府

新甯。湖南寶慶府

長甯

江西贛州府四川敘州府

永甯

江西吉安府河南河南府

懷遠

安徽鳳陽府陝西榆林府

定遠

安徽鳳陽府四川重慶府

安化

湖南長沙府甘肅慶陽府

長樂

福建福州府湖北宜昌府

四縣同名

太平

安徽甯國府浙江台州府

新城

直隸保定府浙江杭州府

著謎

北史咸陽王禧傳載著謎云眠則同眠起則同起貪如豺狼賊不人己蓋以諷貪墨者也袁蘭齋太史詠著詩云笑君攫取忙送入他人口一世酸醎中能知味也否即本此謎之意按中州集周馳詠著詩云正使遭讒口何嘗廢直躬寓意似勝袁詩

改官詩

道光丙申至楚需次自知無濟世才陳請改官賦詩云鳬鷺小隊降心從學步邯鄲苦未工三復昌黎盤谷序出山深悔負初衷紅塵滾滾撲征衫墮落何由骨換凡宦海波濤深莫測幾人安穩得收帆撫字催科兩不勝有絃可改蹇堪乘思歸若待秋風起欲脫塵鞿恐未能簪筆雍容志已虛不如歸去舊蓬廬高風翰與瀛洲

客萬卷名山正著書

吾郡周太史登府現為賓波教授

求賢大府禮優崇。刮目居然到阿蒙。衮衮

諸公多偉畧。不才何用濫竿充。

中丞周公之琦命侯秋閨分校後方伯張公岳崧謂當一視縣事乃決去留不然將後悔余力辭始允

書生濟世少奇猷。得就閒曹願已酬。莫恨雲衢升未竟。有人平地尚淹流。既改官。

作歸興詩云。此去真為泛宅行。扁舟江上訂鷗盟。酒從黃葉聲中醉。詩向青山影裏

成。高枕連宵酣旅夢。小牋沿路記歸程。掉頭笑謝風塵侶。圖史蕭然萬慮清。百丈

雲梯未可階。寒糴仍問舊生涯。祇慙報國心終負。且喜寒山夢竟諧。書卷隨身無恙

在。田園樂志有人偕。卜居擬傍漁翁宅。茗甞烟波處處佳。

寫書求官

大唐新語。李襲譽謂子弟曰。吾不好貨財。以至貧乏。京城有賜田十頃。可以充食。河南有桑千株。可以充衣。寫得書萬卷。可以求官。汝曹第勤此三事。何求於人。夫寫書而僅以求官。見何卑也。然必有萬卷之書。始可求官。亦豈易事耶。

今勝於古

祭之用尸也。葬之用殉也。媵之以姪也。刑之以肉也。婦人之以廢疾無子出也。古也。有之。今則亡。是今之勝於古者。